

ახალი სარსაპული

№328 (20), 17 აპრილი, 2016 წ.

ხარაგაულის მუნიციპალიტეტის გამგებლის მოვალეობას პაატა გოგოლაძე ასრულებს



ხარაგაულის მუნიციპალიტეტის გამგებელი, კობა ლურსმანაშვილი, თანამდებობიდან გადადგა. მუნიციპალიტეტის გამგებლის მიერ თანამდებობის დატოვების გადაწყვეტილება, მისი „ქართული ოცნების“ პარტიიდან, ხარაგაული-ბაღდათის მაჟორიტარ კანდიდატად დასახელებამ განაპირობა.

ამჟამად ხარაგაულის მუნიციპალიტეტის გამგებლის მოვალეობას გასრულებს პირველი მოადგილე, პაატა გოგოლაძე, ასრულებს. პაატა გოგოლაძე 1968 წლის 23 სექტემბერს ხარაგაულში დაიბადა. 1985 წელს დაამთავრა დაბის N2 საშუალო სკოლა, რის შემდეგაც სწავლა განაგრძო თბილისის სახელმწიფო უნივერსიტეტში ეკონომიკის ფაკულტეტზე. პარალელურად მუშაობდა ქ. თბილისში, კალინინის სახელობის ლითონის გადამამუშავებელ ქარხნის საგემო განყოფილებაში ინჟინერ-ნორმადარად. 1992 წელს, ნოდარ ვეფხვაძის დეპუტატად ყოფნის პერიოდში, მუშაობდა ხარაგაულში საქართველოს პარლამენტის წარმომადგენლობის სპეციალისტად. ასევე მუშაობდა ხარაგაულის საგანგებო ინსპექციაში, კონტროლის განყოფილებაში. 1998 წელს ადგილობრივი თვითმმართველობის არჩევნებში გაიმარჯვა „ეროვნულ-დემოკრატიული პარტიიდან“, გახდა საკრებულოს წევრი და ხელმძღვანელობდა საფინანსო-საბიუჯეტო კომისიას. 2002-2007 წწ. იყო შპს „საქართველოს ფოსტის“ ხარაგაულის ფილიალის უფროსი. 2011-2012 წწ. მუშაობდა ოთარ აბაშიძის სახელობის სახალხო თეატრის რეჟისორად. 2013 წლიდან დღემდე იყო ხარაგაულის მუნიციპალიტეტის გამგებლის პირველი მოადგილე. ჰყავს მეუღლე და ორი შვილი.

ხარაგაულის მუნიციპალიტეტის გამგებლმა თანამდებობა დატოვა



10 აგვისტოს ხარაგაულის მუნიციპალიტეტის საკრებულოს ბიუროს სხდომა გაიმართა. სხდომაზე დეპუტატებმა ხარაგაულის მუნიციპალიტეტის გამგებლის უფლებამოსილების შეჩერების შესახებ განცხადება განიხილეს და 11 აგვისტოს საკრებულოს დღის წესრიგში შეიტანეს. უმრავლესობის წარმომადგენლებმა დადებითად შეაფასეს გამგებლის, კობა ლურსმანაშვილის, განვლილი საქმიანობა.

საკუთარი პოზიცია გამოხატა საკრებულოს საფინანსო-საბიუჯეტო კომისიის თავმჯდომარე, ვარლამ ჭიპაშვილი, და კობა ლურსმანაშვილის გამგებლობის პერიოდში განვლილი საქმიანობა რამდენიმე სიტყვით მიმოიხილა: „42 თვის განმავლობაში გახლდათ კობა ლურსმანაშვილი მუნიციპალიტეტის ხელმძღვანელი. მან საკმაოდ ნაყოფიერად იმუშავა. განახორციელა მრავალი ინფრასტრუქტურული, სოციალური, საგანმანათლებლო და კულტურული პროექტი. ვფიქრობ, დამაჯერებელ გამარჯვებას მოიპოვეს საპარლამენტო არჩევნებში. რა თქმა უნდა, იყო ხარვეზებიც, თუმცა ეს გამოწვეული იყო რესურსის ნაკლებობით. მინდა, ბატონო კობას მადლობა გადავუხადო დაკისრებული მოვალეობის ჯეროვანი შესრულებისთვის და წარმატებები ვუსურვო მომავალ საქმიანობაში.“

11 აგვისტოს გამართულ რიგგარეშე საკრებულოს სხდომაზე დეპუტატებმა ხარაგაულის გამგებლის უფლებამოსილების შეწყვეტის თაობაზე განცხადება ცნობად მიიღეს. კობა ლურსმანაშვილმა თანამდებობიდან გადადგომის შესახებ განცხადება 8 აგვისტოს დაწერა. მუნიციპალიტეტის გამგებლის მიერ თანამდებობის დატოვების გადაწყვეტილება, მისი „ქართული ოცნების“ პარტიიდან, ხარაგაული-ბაღდათის მაჟორიტარ კანდიდატად დასახელებამ განაპირობა.

„ადგილობრივი თვითმმართველობის კოდექსის“ მიხედვით, წარმომადგენლობითი ორგანოების არჩევნებში კანდიდატად წარდგენა ინვესტორის უფლებამოსილების შეჩერებას. კოდექსის მიხედვით, თუ გამგებელს ვადა ერთი წლით ადრე შეუწყდა, უნდა დაინშნოს რიგგარეშე არჩევნები. რაც შეეხება რიგგარეშე არჩევნებს, სავარაუდოდ, ისიც საპარლამენტო არჩევნებთან ერთად, ოქტომბერში გაიმართება.

მარიანა ბურჯალიანი

მარეალის ცენტრალურ გზაზე ასფალტი დაიგო

სოფელ მარეალის ცენტრალური გზის მოასფალტება დასრულდა. მარეალის რკინიგზის სადგურიდან სოფლის ცენტრამდე 4 კმ-იანი გზა დაიგო. პროექტი მუნიციპალური განვითარების ფონდიდან 1 091 438 ლარით დაფინანსდა. რეაბილიტირებული გზა საქართველოს მუნიციპალური განვითარების ფონდის აღმასრულებელმა დირექტორმა, ჯუანმერ ბურჭულაძემ, ხარაგაულის მუნიციპალიტეტის გამგებლის მოვალეობის შემსრულებელმა, პაატა გოგოლაძემ, გამგეობის ინფრასტრუქტურისა და კეთილმოწყობის სამსახურის უფროსმა მალხაზ ფხალაძემ და ადგილობრივი ხელისუფლების სხვა წარმომადგენლებმა დაათვალიერეს. აღსანიშნავია, რომ ამ მონაკვეთზე ასფალტის საფარი არასდროს ყოფილა. გზის სარეაბილიტაციო სამუშაოები 2015 წლის დეკემბერში დაიწყო და 4 კმ-იანი გზის სიგანე 4,5 მეტრია. პროექტის ფარგლებში მოეწყო ზედაპირული წყლების მოცილების ქსელი, წყალგამტარი მილები, რკინა-ბეტონის ლარები და გრუნტის პროფილირებული არხები. გარდა ამისა, განხორციელდა გზის უსაფრთხოების სამუშაოები. სარეაბილიტაციო სამუშაოებზე 60 ადამიანი იყო დასაქმებული და იგი ხელშეკრულებით გათვალისწინებული პირობების დაცვით შესრულდა. გზაზე ასფალტის ორი ფენა დაიგო. პირველი ქვედა ფენა ხუთი, მეორე შუა ფენა კი 4 სანტიმეტრია.



„ადგილობრივი ხელისუფლებისთვის პრიორიტეტულია სოფლებში გზების რეაბილიტირება. ჩვენ ეტაპობრივად მივყვებით და მაქსიმალურად ვცდილობთ, ყველა სოფელი ინფრასტრუქტურული თვალსაზრისით მოწესრიგებული იყოს. ბოლო სამი წლის განმავლობაში ისეთ სოფლებში მოასფალტდა გზები, სადაც არასოდეს ყოფილა. მარეალის გზას ორმაგი დატვირთვა აქვს. გარდა ამისა, რომ ამ გზით სოფელი ისარგებლებს, ასევე ისარგებლებენ ტურისტები, რომლებიც ბორჯომ-ხარაგაულის ეროვნულ ტყე-პარკში აქედან შედიან. ვფიქრობ, რომ მარეალის გზის ეს გზა ბევრ სიკეთეს მოუტანს“, - დასძინა პაატა გოგოლაძემ.

„73 წლის ვარ და კეთილმოწყობილი გზა მარეალში არ მახსოვს. არ მეგონა, ამ დღეს თუ მოვესწრებოდი. ძალიან მიხარია, ახალგაზრდებს აქ ცხოვრების სურვილი გაუჩნდებათ და სოფელი აღარ დაიკლება“, - აცხადებს ომარ მალრადი. ნაილი მალრადის თქმით, ეკონომიური პირობების გაუმჯობესების მიზნით სოფლისათვის ამ გზის რეაბილიტირება მეტად მნიშვნელოვანი იყო.

„გზა საჭიროა იმისთვის, რომ განვითარდეს ტურიზმი და მოსახლეობას ადვილად შეეძლოს გადაადგილება. რაც ბევრი ტურისტი შემოვა სოფელში, ოჯახებს დამატებითი შემოსავლები გაუჩნდებათ. მართლაც სასიხარულო ფაქტია და მადლობა ყველა იმ ადამიანს, ვინც ამ მეტად მნიშვნელოვანი საქმის განხორციელებაში წვლილი შეიტანა“, - განაცხადა ქალბატონმა ნაილიმ.

აღსანიშნავია, რომ ერთი წლის განმავლობაში, თუ გზაზე რაიმე დეფექტი აღმოჩნდა, კონტრაქტორი იღებს ვალდებულებას, იგი თავისი ხარჯებით გამოასწოროს.

პაპ შავიძე



ახალგაზრდობის მარეალის გზა

ხარაგაული-ძირულა-ფონის გზის საპროექტო სამუშაოებისათვის ტენდერი გამოცხადდა

ჩუმათელეთი-ფონა-ნიფა-მოლითი-ხარაგაული-ძირულის გზის 50 კმ. მონაკვეთის რეაბილიტაციის მიზნით, აზიის განვითარების ფონდმა საკონსულტაციო, საპროექტო და სახარჯთაღრიცხვო შესყიდვისათვის ტენდერი გამოაცხადა. სატენდერო თანხა 2 მილიონ 0371 ათას 900 დოლარს შეადგენს. ეს ხარაგაულისათვის უმნიშვნელოვანესი პროექტი გახლავთ, რომლის საბოლოო ღირებულება 100 მილიონზე მეტი იქნება.

დიღვაჯუბის გზის რეაბილიტაცია იწყება

საქართველოს რეგიონული განვითარებისა და ინფრასტრუქტურის სამინისტროს საავტომობილო გზების დეპარტამენტი დიდვაჯუბის გზის რეაბილიტაციას იწყებს. აღნიშნული მონაკვეთი ძირულა-ხარაგაული-ჩუმათელეთის გზის პროექტის ფარგლებში მოასფალტდება.

სამუშაოების შესასყიდად ტენდერი 11 აგვისტოს გამოცხადდა და 2 სექტემბერს დასრულდება. სამუშაოებს ტენდერში გამარჯვებული პირი ხელშეკრულების გაფორმებიდან 3 თვეში დაამთავრებს. გზის აღნიშნულ მონაკვეთზე დაიგება ასფალტის საფარი, მოეწყობა გაბიონები, სანიაღვრე არხები და გატარდება უსაფრთხოების საჭირო ზომები.

აღნიშნული პროექტი აზიის ბანკის ფინანსური მხარდაჭერით ხორციელდება და მისი ღირებულება 997,791 ლარს შეადგენს.

ადგილობრივი მოსახლეობას აღნიშნულ გზაზე გადაადგილების პრობლემა წლებია, აწუხებს. არსებული საავტომობილო გზაზე არასდროს ყოფილა ასფალტის საფარი. პროექტის განხორციელების შედეგად გაუმჯობესდება მოსახლეობის საცხოვრებელი პირობები.

ბიუროს სხდომაზე ჯანდაცვისა და სოციალური დაცვის სამსახურის ანგარიში მოისმინეს



15 აგვისტოს ხარაგაულის მუნიციპალიტეტის ბიუროს სხდომა გაიმართა. სხდომაზე დეპუტატებმა ხარაგაულის მუნიციპალიტეტის გამგეობის ჯანდაცვისა და სოციალური დაცვის სამსახურის მიერ განხორციელებული მუშაობის შესახებ ანგარიში მოისმინეს. სამსახურის უფროსმა, ნანა კიკნაძემ, ვრცლად ისაუბრა იმ პროგრამების შესახებ, რომლებიც ადგილობრივი ბიუჯეტის დაფინანსებით ხორციელდება.

ქალბატონი ნანა ინფორმაციით, ჯანდაცვისა და სოციალური დაცვის მიმართულებით 4 ძირითადი და 12 ქვეპროგრამა მოქმედებს. მიმდინარე წლის საანგარიშო პერიოდში მუნიციპალიტეტის გამგეობიდან სოციალური მიმართულებაზე, 10 აგვისტოს მდგომარეობით, 373.3 ათასი ლარი დაიხარჯა და სხვადასხვა სახის დახმარება გაენია 1724 ბენეფიციარს.

ეს პროგრამებია: სოციალურად დაუცველი ოჯახების მკურნალობის, სამედიცინო და სხვა სახის მომსახურების პროგრამა; ახალშობილთა ოჯახების დახმარების პროგრამა; სამამულო ომის ვეტერანთა და იძულებით გადაადგილებულ პირთა ოჯახების გარდაცვლილ წევრთა დაკრძალვის პროგრამა; სტიქიური მოვლენების, ხანძრის შედეგად დაზარალებულთა და მძიმე საცხოვრებელი პირობების მქონე მოქალაქეთა მატერიალური დახმარების პროგრამა.

გარდა გამგეობიდან დაფინანსებული პროგრამებისა, მუნიციპალიტეტში ფუნქციონირებს ა(ა)იპ „სათნოების სახლი“, რომელიც ემსახურება 70 ბენეფიციარს. მათ რიცხვში არიან სოციალურად დაუცველები, მზრუნველობამოკლებული მოხუცები, ინვალიდები და მრავალშვილიანი ოჯახები.

ასევე ადგილობრივი ბიუჯეტიდან ბორის საჯარო სკოლა-პანსიონის ბაზაზე არსებული დღის ცენტრისთვის შექმნილია 6 600 ლარის ღირებულების ინვენტარი.

ნანა კიკნაძის განცხადებით, ხარაგაულის მუნიციპალიტეტის მოსახლეობას მომსახურებას უწევს 14 სასოფლო ამბულატორია, 18 ექიმი და 19 ექთანია.

მუნიციპალიტეტში მოქმედ ყველა სოციალურ პროგრამაში ჩართულები არიან დევნილები; ადგილობრივი ხელისუფლების მიერ, გამო-ნაკლისის სახით, ხდება უკიდურესად გაჭირვებული დევნილი ოჯახების დახმარება სამუშაო მასალით.

ფრაქცია „ერთიანი ნაციონალური მოძრაობის“ თავმჯდომარე, თორნიკე ავალიშვილი, დანტერესდა, რამდენად შეუძლია ადგილობრივ თვითმმართველობას დახმარება გაუწიოს მოსახლეობას სოციალური დახმარების დანიშნულების, კომისიაზე განხილვა.

ქალბატონმა ნანამ განმარტა, რომ ხარაგაულის ადგილობრივი თვითმმართველობა იმერეთის სოციალური მომსახურების სამხარეო ცენტრში ინტენსიურად აგზავნის იმ მოქალაქეების შუამდგომლობებს, რომლებიც სოციალური აგენტის მიერ ხელახალ გადამონმებას ითხოვენ. სხვა სახის დახმარება ამ კუთხით ადგილობრივ თვითმმართველობას არ შეუძლია. რაც შეეხება სხვადასხვა სახის დახმარებებზე შემოსული განცხადებებს, სოციალური და ჯანდაცვის კომისია თვეში ერთხელ იკრიბება და განცხადებების დაკმაყოფილება ეტაპობრივად ხდება.

იურიდიული, სამანდატო, საპროცედურო საკითხთა და ეთიკის კომისიის თავმჯდომარის, მიხეილ გელაშვილის, განცხადებით, საკრებულომ უნდა შეიმუშაოს ერთიანი წესი, რომლის მიხედვითაც მოხდება ისეთი ბენეფიციარების განცხადებების მიღება, რომელთაც გადაუდებლად სჭირდება დახმარება.

„ვერც ერთი ბიუჯეტი ვერ უყოფა ყველა მოთხოვნის დაკმაყოფილებას“ - განაცხადა ჯანდაცვისა და სოციალური დაცვის კომისიის თავმჯდომარე გივი თხელიძემ.

საკრებულოს საფინანსო-საბიუჯეტო კომისიის თავმჯდომარემ, ვარლამ ჭიპაშვილმა, სოციალურ სამსახურს ეფექტური მუშაობისთვის მადლობა გადაუხადა და აღნიშნა, რომ უმჯობესია, მოიძებნოს გზები და დაკმაყოფილდეს ყველა მოქალაქის განცხადება.

ჯანდაცვისა და სოციალური სამსახურის ანგარიშს დეპუტატები 5 სექტემბერს საკრებულოს სხდომაზე შეაფასებენ.

მარიანა შურჭალიანი

ხარაგაულში აზვისტოს ომში დაღუპულ გმირს, ზაზა გლუნჩაძეს, პატივი მიაგეს

ხარაგაულის მუნიციპალიტეტის გამგეობის კულტურის, განათლების, სპორტისა და ახალგაზრდობის საქმეთა სამსახურის უფროსმა, ირინე ჩხეიძემ, ხიდრის დეპუტატმა, ნონა ზურაბიანამ და ხიდრის ადმინისტრაციულ ერთეულში გამგებლის წარმომადგენელმა, ბადრი ბერაძემ, რუსეთის სამხედრო აგრესიის შედეგად დაღუპული გმირის, ზაზა გლუნჩაძის, სხონას პატივი მიაგეს. სოფელ ხიდარში ზაზა გლუნჩაძის საფლავთან, ასევე დაღუპულის ოჯახის წევრები და თანასოფლები შეიკრიბნენ.

„თითოეული ჩვენგანის ვალია, არ დავივიწყოთ ადამიანი, რომელმაც საკუთარი სიცოცხლე სამშობლოს სამსხვერპლოზე მიიტანეს. ვამაყობთ, რომ გვყავს გმირები, რომლებიც საქართველოს უახლეს ისტორიას ქმნიან. კარგია, რომ ზაზა გლუნჩაძის სიცოცხლე მის შვილებში გრძელდება. ვისურვებდი საქართველოს ასეთი ტკივილიანი დღეები აღარასოდეს ენახოს.“ აღნიშნა გამგეობის კულტურის, განათლების, სპორტისა და ახალგაზრდობის საქმეთა სამსახურის უფროსმა, ირინე ჩხეიძემ.



ხარაგაულის მუნიციპალიტეტის გამგეობისგან დაღუპული გმირის ოჯახს ერთჯერადი ფულადი დახმარება გადაეცა.

„ვამაყობ, როდესაც გმირი მამის საფლავზე მოვიდვართ. მამა აგვისტოს ომში სხვა ადამიანების სიცოცხლის გადარჩენის დროს, ჭურვის აფეთქებისას, გარდაცვალდა.“ - განაცხადა დაღუპულის შვილმა მარიამ გლუნჩაძემ.

ხარაგაულის მუნიციპალიტეტის სოფელ ხიდრის მკვიდრი, ზაზა გლუნჩაძე, 2008 წლის 8 აგვისტოს ცხინვალში თანამებრძოლთა გადარჩენის მცდელობის დროს დაიღუპა. გარდაცვალების შემდეგ ზაზა გლუნჩაძე ვახტანგ გორგასლის მეორე ხარისხის ორდენით დააჯილდოვეს.

ზვარის ბანაკის რეაბილიტაცია იგეგმება



უკვე მეოთხე წელია, „ხარაგაულის მუნიციპალიტეტის განვითარებისა და შიდა ტურიზმის ცენტრის“ ორგანიზებით სოფელ ზვარეში „კარვების ბანაკი“ იმართება. ყოველი წლის აგვისტოს დასაწყისში „კარვების ბანაკში“ 300-მდე ახალგაზრდა იხვევება. აღსანიშნავია, რომ გასულ წელს პროექტ „ეტალონის“ დამფუძნებლის, გონა ტყეშელაშვილის, ინიციატივით, ზვარეში ხარაგაულელ ახალგაზრდებთან ერთად საქართველოს სხვადასხვა კუთხიდან პროექტ „ეტალონი“ გამარჯვებულმა 80-მდე ახალგაზრდამ დაისვენა. „კარვების ბანაკს“ სტუმრობდა თავად გონა ტყეშელაშვილი.

მიმდინარე წელს ზვარეში „მშვიდობის კორპუს“ Life camp-ს უმასპინძლა. „კარვების ბანაკში“ საქართველოს სხვადასხვა მუნიციპალიტეტიდან 45-მა ახალგაზრდამ დაისვენა. ბანაკს ათი ლიდერი ჰყავდა, მათგან რვა „მშვიდობის კორპუსის“ ამერიკელი მოხალისეა. „მშვიდობის კორპუსის“ ბანაკი ზვარეში 5 აგვისტოს დასრულდა. ამის შემდეგ „კარ-

ვების ბანაკს“ ხარაგაულის, ზესტაფონის, თერჯოლის, ბაღდათისა და ჭიათურის მუნიციპალიტეტების ახალგაზრდებიც შეუერთდნენ.

6 აგვისტოს ზვარის ბანაკს ხარაგაულის მუნიციპალიტეტის გამგებელი, კობა ლურსმანაშვილი და გამგებლის მოადგილე პაატა გოგოლაძე სტუმრობდნენ. ზვარეში სტუმრობისას მუნიციპალიტეტის გამგებელმა მეტად მნიშვნელოვანი და ყველასათვის სასიხარულო ინფორმაცია გააუღერა. მისივე განმარტებით, ზვარის ბანაკის რეაბილიტაცია უახლოეს მომავალში დაიწყება.

„ჩვენი მიზანია, ბანაკი კეთილმოეწყოს და აქ სრულფასოვანი დასვენება შეიძლებოდეს, როგორც ეს წლების წინ იყო. მოვამზადეთ პროექტი, ხარჯთაღრიცხვა და რეგულაციები განვითარების ფონდში წარვადგინეთ. სამწუხაროდ, წლის დასაწყისში ამ პროექტის დაფინანსება ვერ მოხერხდა, თუმცა ინფრასტრუქტურის სამინისტროში მივალწიეთ შეთანხმებას, რომ ბანაკს რეაბილიტაცია აუცილებლად ჩაუტარდეს.

ბა. არის საუბარი, რომ ინფრასტრუქტურის სამინისტროს მიერ ჩატარებული ტენდერებიდან რა თანხაც დაიზოგება, ამ პროექტზე მიიმართოს. თუ ეს ვერ მოხერხდა, განიხილება მეორე ვარიანტი, რაც 2017 წელს რეგიონებში განსახორციელებელი პროექტების ფონდიდან დასაფინანსებელ პროექტთა ნუსხაში „ზვარის ბანაკის“ რეაბილიტაციის შესვლას გულისხმობს. აღნიშნული პროექტის ღირებულება, ინვენტარის ჩათვლით, 800 000 ლარია.“ - განაცხადა მუნიციპალიტეტის გამგებელმა.

კობა ლურსმანაშვილმა ზაზა გაუსუფა იმ ფაქტსაც, რომ ზვარის ბანაკის ფუნქციონირება ადგილობრივ მაცხოვრებლებს ბევრ სიკეთეს შეჰპატივებს და სოფელს ეკონომიურად გააძლიერებს.

„ეს არ იქნება მხოლოდ ახალგაზრდული ცენტრი. სოფელში ტურისტული პოტენციალი გაჩნდება, რაც აქ მცხოვრებლებს შესაძლებლობას მისცემს, დამატებითი შემოსავლები მიიღონ და ეკონომიური მდგომარეობა გაიუმჯობესონ. აქვეა შესანიშნავი ბუნებით კურორტი „ნუნისი“ და ბორჯომ-ხარაგაულის ეროვნული ტყე-პარკი, რაც ტურიზმის განვითარების ერთ-ერთი წინაპირობაა. ამიტომ ჩვენ ვაკეთებთ ყველაფერს იმისათვის, რომ ხარაგაულს, რაც შეიძლება, მეტი ტურისტის სტუმრობდეს.“

მუნიციპალიტეტის გამგებელმა, კობა ლურსმანაშვილმა, „კარვების ბანაკის“ ორგანიზებისთვის მადლობა გადაუხადა გამგებლის მრჩეველს ტურიზმის საკითხებში მამუკა ჭიპაშვილს, ა(ა)იპ „ხარაგაულის მუნიციპალიტეტის განვითარებისა და შიდა ტურიზმის ცენტრის“ დირექტორს, ბერიკა თურმანიძეს, დირექტორის მოადგილეს, ნინო თხე-

ლიძეს, და „ტურიზმის ცენტრის“ ყველა თანამშრომელს.

„ეს ადამიანები ძალიან კარგ საქმეს აკეთებენ. თამამად შემიძლია ვთქვა, რომ „ტურიზმის სამსახური“ ხარაგაულში აქტიურად მუშაობს. მადლობა მინდა, გადავუხადო თითოეულ მათგანს. ასევე დიდი მადლობა ამერიკული ორგანიზაციის „მშვიდობის კორპუსის“ ამერიკელ მოხალისეებს, რომლებიც რამდენიმე დღის განმავლობაში იმყოფებოდნენ ზვარის ბანაკში. ამერიკელებმა აღიარეს ამ ადგილის უნიკალურობა, მოიხიბლნენ მისი სიმყუდროვით, სილამაზითა და საოცარი ხედვებით. მათ გააჩნიათ სამომავლო ხედვები ხარაგაულთან მიმართებაში.“

გამგებლის მრჩეველის ტურიზმის საკითხებში, მამუკა ჭიპაშვი-

მანათლებლო რესურსცენტრების დახმარებით შეიარჩინ და ყველა თვითმმართველი ერთეულიდან მოსწავლეების თანაბარი რაოდენობა წარმოდგენილი.

თამარ ხორავა (ბაღდათის მუნიციპალიტეტი): „ძალიან მომწონს ზვარის ბანაკი, კარგი ბუნებაა. ბევრ სახალისო აქტივობაში ჩავერთე და ახალი მეგობრები შევიძინე. თუკი მომეცემა შანსი, მომავალ წელს აქ კიდევ დავისვენო, უარს ნამდვილად არ ვიტყვი და დიდი სიამოვნებით ვესტუმრები ზვარეს.“

ზაური სამხარაძე (ზესტაფონის მუნიციპალიტეტი): პირველად ვარ ზვარის ბანაკში და ძალიან მომეწონა. ვაწყობთ სხვადასხვა სპორტულ და გასართობ ღონისძიებებს. გადავივთ ფილმი, რაც ძალიან საინტე-



ლის, თქმით, ბანაკში ძირითადად, წარჩინებული და სათავგადასავლო ტურ-თამაშებში გამარჯვებული მოსწავლეები იხვევებენ. რაც შეეხება აქ მოხვედრას, მამუკა ჭიპაშვილის განმარტებით, ბავშვები საგან-

რესო პროცესი იყო. მინდა, მადლობა გადავუხადო ორგანიზატორებს და ყველა იმ ადამიანს, ვინც მომცა შესაძლებლობა აქ, ზვარეში, დამესვენა.“

პაპა შანიძე

ახალი საგაზეთი და სხვა მრავალი!



ხარაგაულის მუნიციპალიტეტის კულტურის ცენტრთან არსებული ქორეოგრაფიული ანსამბლი „უბისი“ (ხელმძღვანელები: ელისო და ზაზა ლურსმანაშვილები), რომლის ერთ-ერთი წევრიც გახლავართ, ბულგარეთში, ნესებერში, 22 — 24 ივლისის საერთაშორისო ფესტივალზე მიიწვიეს.

დაბრუნების შემდეგ შემოთავაზეს, მკითხველთათვის ჩემი შთაბეჭდილებები გამეზიარებინა...

წერ და გიორგი ერისთავის კომედია „გაყრის“ ერთ-ერთი პერსონაჟი, ანდრეაფარ დიდბულიძე, მაგონდება უმცროს ძმას, რუსეთში სწავლამდებულ ივანეს, რომ საყვედურებს: „ბოლოს კი დაასკვნეს: „საკვირველია, მოზდოკს მეც ვიყავ, მაგრამ არ გავიყვებულვარ...“

ჩვენ, ხარაგაულელები, მოზდოკზე (ცოტა შორს, ბულგარეთში, ნესებერში, ვიყავით და „არ გავიყვებულვართ.“ თუმც „გაყრის“ ნამდვილად გვეკონდა: აბა, წარმოდგინეთ, ამხელა საერთაშორისო ფესტივალზე,

ამდენ ანსამბლში რომ გამოგარჩევინ და „გრან პრის“ მოგცემენ, გასაგიჟებელია, აბა რა არის? ნესებერის ულამაზეს ქუჩებში, საზეიმო მსვლელობისას, ქართული ხუთჯგირიანი დროშა რომ გიჭირავს ხელში ამაყად, ამ სიხარულს რამე შეეძლება?

...ფესტივალზე გამგზავრებამდე, წინასწარ, საგანგებოდ მოვიძიე ინფორმაციები ბულგარეთის შესახებ ნინგებიდან, ინტერნეტიდან. ასე რომ, საკმაოდ „შეიარაღებული“ გავეშურე ამ მშვენიერი ქვეყნისაკენ...

ყველა ჩვენგანი მაინც რაღაც განსაკუთრებულ მშობლიურ განვიცდიდით. თუნდაც იმით, რომ შავი ზღვა ჩვენიცაა და ბულგარელებისაც. ის ისევე ალაპარაკებდა ბულგარეთის სანაპიროს, როგორც ჩვენს საქართველოს ზღვისპირა დასავლეთს. დავყურებ ბულგარეთის რუკას: ალბენა, ვარნა, მზის სანაპირო, აქელი, ბიალა, ელენიტე, ნესებერი აი ბულგარეთის ცნობილ ქურორტთა ჩამონათვალი, მაგრამ ვიცი, რაც არ უნდა ლამაზი იყოს, ჩემს ბათუმს, მწვანე კონ-

ცხს, ქობულეთს, ურეკს, ანაკლიას მაინც ვერაფრით ვერ შეედრება ვერც ერთი...

საქართველოდან ფესტივალში ოთხი ანსამბლი მონაწილეობდა: ორი თბილისიდან, ერთი გორიდან და ერთი ჩვენ ვიყავით ხარაგაულიდან მაგარი ანსამბლის „მაგარი“ წევრები - „უბისლები!“ ორ კონცერტზე გამოვედი. პირველ დღეს ღია ესტრადაზე მაყურებელს „ქალ-ვაჟთა მთიულური“ და „ყაზბეგური“ ვუჩვენეთ. კიდევ კარგი, ღია ესტრადაზე გამოვედი დიდ და წერმა როგორც იქნა „გაუძლო“ მაყურებელთა აპლოდისმენტებს...

ძალზე საინტერესო და ამაღლებელი იყო ფესტივალის დახურვის დღე. დასკვნითი კონცერტი ხარაგაულელების „ქალ-ვაჟთა მთიულური“ გაიხსნა. (საფესტივალო პროგრამაში წინასწარ იყო განსაზღვრული. პირველ კონცერტზე თითოეულ ანსამბლს ორი ცეკვა უნდა ეჩვენებინა, დასკვნით კონცერტზე - ერთი).

წარმოუდგენელია ის აღფრთოვანება, ის უკიდვანო სიხარული, როცა უიურმ გამოაცხადა, რომ ხარაგაულის ანსამბლი „უბისი“ ფესტივალის უმაღლესი ჯილდოს - „გრან პრის“ მფლობელი გახდა. ჩვენს ხელმძღვანელებს დიდი პატივით გადასცეს პრიზი და დიპლომები.

ამ დიდ სიხარულს ერწყმოდა ის დიდი სიამოვნება, რაც იმ დღეებში ბულგარეთის მშვენიერ სანაპიროზე ყოფნით განვიცადეთ. ახალი ნესებერი თავისი კლიმატითა და სამკურნალო საშუალებებით მსოფლიოში ცნობილი ქურორტია. აქ ჩასული დამსვენებელი, საჭიროებისამებრ, გადის კლიმატოთერაპიის კურსს, იღებს

მზის აბაზანებს. ეფექტურია ტალახითა და ყურძნით მკურნალობა. პანსიონატები, სანატორიუმები და სამოცდაათზე მეტი სასტუმრო პრაქტიკულად განლაგებულია კურორტის გარშემო არსებულ მწვანე ზონაში. რა დაგვაინცებს „ოქროს ქვიშებს“ (ზლატნი - პიასიცო). გული ვიჯერებ, ბულგარული ოქროს ქვიშა იმ რაოდენობით ნამოვილე, რომ მას ჩემს კლასელებს, პედაგოგებსა და ჩემთვის საყვარელ ყველა ადამიანს გავუზანებ...
წარუშლელი კვალი დავგიტოვა ძველი ნესებერის დათვალიერებამ. იგი 1956 წლიდან ქალაქ-მუზეუმი და იცავს იუნესკო. როგორც ცნობილია, ქალაქი ბერძნებს დაუარსებიათ,

ბისაგან. ჩვენზე დიდი შთაბეჭდილება მოახდინა ანტიკური ხანიდან შემორჩენილი ქალაქის გალავნის, იონან ნათლისცემლის, მიქელ - გაბრიელის ეკლესიების, თეატრისა და სხვა უძველესი შენობების ნაშთებმა.

წარმატებულები და გახარებულები დავემშვიდობეთ ულამაზეს სასტუმრო Delta Palac -ის კომფორტულ გარემოს და საბოლოოდ „შავი ზღვის მარგალიტს“ - ულამაზეს ნესებერს.

ჩვენი გამგზავრებისას იყო გარკვეული შიში მშობლებისაგან, წინა დღეებში თურქეთში შექმნილი არასტაბილური ვითარების გამო, მაგრამ მათი ხელმძღვანელების გონივრული ჩარევით ყველაფერი მოკლე დროში დაირეგულირდა და ჩვენ დაუბრუნდით კოლხეთს და გადავლახეთ და გამოვლახეთ თურქეთის უზარმაზარი ტერიტორია.

გზა, მართალია, იყო მომქანცველი, მაგრამ კომფორტული ავტობუსი, მისი ნაცადი მესაქეები, ჩვენი თბილი ხელმძღვანელები ამ გრძობას გვიმსუბუქებდნენ...

ანსამბლის ყველა წევრის სახელით მინდა, მადლობა გადავუხადო „უბისის“ ქორეოგრაფებს: ქალბატონ ელისო და ბატონ ზაზა ლურსმანაშვილებს, ადგილობრივ თვითმმართველობას თანადაფინანსებისათვის, ჩვენს მშობლებსა და ახლობლებს, ყველა იმ ადამიანს, ვინც ხელი შეგვიწყო გამგზავრებაში და დღეს იზიარებს ჩვენი წარმატებით გამოწვეულ სიხარულს.

ეს ერთი და სხვა მრავალი, ძვირფასი „უბისლები!“

ამანდა სვიდელიძე,
ანსამბლ „უბისის“ წევრი,
ფესტივალის მონაწილე



ზვარეში „ხარაგაულის ბანაკი“ დასრულდა



13 აგვისტოს ზვარის „ხარაგაულის ბანაკი“ საზეიმოდ დაიხურა. საზეიმო ცერემონია ხარაგაულის მუნიციპალიტეტის გამგებლის მოვალეობის შემსრულებელი, პაატა გოგოლაძე, საკრებულოს საფინანსო-საბიუჯეტო კომისიის თავმჯდომარე, ვარლამ ჭიპაშვილი, რეზო თაბუკაშვილის სახელობის ლიტერატურული თეატრის დირექტორი, იზა ვეფხვაძე და ადგილობრივი ხელისუფლების სხვა წარმომადგენლები ესწრებოდნენ. აღსანიშნავია, რომ ამავე დღეს ზვარის ბანაკს, იზა ვეფხვაძის ინიციატივით, ქართველი ებრაელი არქიტექტორი პაატა იოსებაშვილი, მისი მეუღლე ლოლა იოსეფი, აკადემიკოსი იცხაკ დავიდი და მია ჯანაშვილი სტუმრობდნენ.

სტუმრები აღფრთოვანებას და ემოციას ვერ მალავდნენ, მიიხიბლნენ ახალგაზრდების ნიჭიერებით, მათ მიერ შესრულებული საკონცერტო ნორმებით. საზეიმო დახურვის ცერემონიაზე სტუმრების პატივსაცემად ჟღერდა ებრაული მელოდები და საერთო მხიარულებაში ახალგაზრდებთან ერთად სტუმრებიც ჩაერთნენ.

„ეს იყო დაუვინყარი საღამო. ამდენი ნიჭიერი ახალგაზრდა ერთად, ასეთი მაღალი დონის ორგანიზება, ამდენი ემოცია, სიყვარული, დადებითი განწყობა... ჩემი ბავშვობა გამახსენდა საქართველოში, ვიცეკვე კიდევ ებრაული მელოდის ფონზე, მადლობა ქალბატონ იზას და ბატონ პაატას, რომ ამ ღამეზე ზემის მონაწილე გამხადეს,“ - აღიშნა პაატა იოსებაშვილი.

ხარაგაულის მუნიციპალიტეტის გამგებლის მოვალეობის შემსრულებელმა, პაატა გოგოლაძემ, ზვარეში გატარებული ბავშვობის წლები გაიხსენა და აღნიშნა, რომ მომავალი თაობები სწორედ აქ, ამ ბანაკში, ატარებდნენ ბედნიერ დღეებს, იძენდნენ მეგობრებს და სწავლობდნენ ურთიერთობებს. ბატონმა პაატამ მადლობა გადაუხადა ბანაკის ორგა-

ნიზატორებს იმ ღამეზე დღეებისთვის, რომლებიც მათ ასობით ბავშვს აჩუქეს. ხარაგაულის მუნიციპალიტეტის გამგებლის სახელით ბანაკის აქტიური მონაწილეები იზა ვეფხვაძის ნიგით — „ხარაგაული“ დაჯილდოვდნენ.

ზვარის ბანაკის ინფრასტრუქტურის განვითარებაზე ისაუბრა ხარაგაულის საკრებულოს საფინანსო-საბიუჯეტო კომისიის თავმჯდომარე, ვარლამ ჭიპაშვილი და დასძინა, რომ ხელისუფლება ყველაფერს გააკეთებს იმისათვის, რომ ზვარეში ახალგაზრდული ცენტრი მოეწყოს. ვარლამ ჭიპაშვილი მადლობა გადაუხადა ასევე თითოეულ ახალგაზრდას ბანაკში აქტიური მონაწილეობისა და ჩართულობისათვის.

იზა ვეფხვაძის თქმით, ზვარის ბანაკი ყველაზე ორიგინალური და გამორჩეული მთელს იმერეთში.

- „ზვარე ნამდვილი ბედნიერების სამყაროა. ჩემი სტუმრები მოიხიბლნენ ამ საოცარი ბუნებით, ახალგაზრდების ნიჭიერებით, იმ გარემოთი და მაღალორგანიზებით, რაც აქ სუფევს. ვფიქრობ, ბანაკი ყველაზე ორიგინალურია მთელს იმერეთში. ამაში კი ხარაგაულის მუნიციპალიტეტის ხელმძღვანელების დიდი დამსახურებაა. უკვე წლებია, დიდ შრომას დებს ამ საქმეში მამუკა ჭიპაშვილი და „ტურიზმის სამსახური,“ - აღნიშნა იზა ვეფხვაძე.

წარმოუდგენლად ღამეზე აკორდით დასრულდა საღამო, ცხს სწვდებოდა უზარმაზარი კოცონის ალი და მის გარშემო ბედნიერი ახალგაზრდების სასიამოვნო ყრიაშული.

პირველად წელს ღონისძიებაზე მონაწილეებმა ფლუმობი წარმოადგინეს და მწვანედ შეფენილ მოლზე ორიგინალურად დაანერეს „ზვარე“ ...

დაახლოებით, ძვ.წ. 510 წელს. ადრინდელი ბიზანტიის ხანაში ის იყო მნიშვნელოვანი ეკონომიური, სამხედრო - ადმინისტრაციული და რელიგიური ცენტრი.

1371 წელს ქალაქი დაიპყრეს ოსმალებმა და მხოლოდ XIX საუკუნის მეორე ნახევარში ბულგარეთთან ერთად გათავისუფლდა მათი ბატონო-

მე თქვენი იმედი მაქვს!..

ეს ფოტოები იმ შთამბეჭდავი ღონისძიების გაგრძელებაა, რომელიც ქალბატონ იზა ვეფხვაძის ინიციატივითა და ქართული ენისა და ლიტერატურის პედაგოგ, მერი გიორგიძის, ძალისხმევით მოეწყო ხარაგაულის მესამე საჯარო სკოლაში. მონაწილე სტუმარი, მწერალი და საზოგადო მოღვაწე, ბატონი ელგუჯა თავბერიძე, ძალზე ნასიამოვნები დარჩა ამ შეხვედრით და განსაკუთრებით გაუსვა ხაზი მეექვსეკლასელი წარჩინებული მოსწავლის, გურამ ლურსმანაშვილის, ძალზე ორიგინალურ შეკითხვებს. ამ მომენტიდან მწერალი დაუმეგობრდა გურამს, უსახსოვრა საკუთარი ნიგნები საუკეთესო სურვილებით. ცოტა ხნის შემდეგ კვლავ შემოეხმინა გურამს ქუთაისიდან უფროსი მეგობარი და საჩუქრებიც გამოუგზავნა. ასეთი ყურადღებისათვის მწერლის მიმართ დიდ მადლიერებას გამოხატავს გურამის დედა, მესამე საჯარო სკოლის დირექტორის მოადგილე, ქალბატონი ნანა კვინიკაძე:

- დიდი მადლობა, ბატონო ელგუჯა, ესოდენ დიდი გულისხმიერებისათვის. ეს გურამისთვის დიდი სტიმულია. ის ცდილობს, იყოს ისეთი, როგორც თქვენს ავტოგრაფებშია მითითებული. აქვე მინდა, მივმართო ხარაგაულის მესამე საჯარო სკოლის მოსწავლეებს:

- ჩემო ძვირფასებო, დღეს გურამს გაუმართლა, ხვალ თქვენც გაგიმართლებთ, რადგან თქვენი სკოლა უამრავ ამგვარ ღონისძიებას - შეხვედრებს გპირდებათ, მე თქვენი იმედი მაქვს!

ყურადღებით ქალბატონ ნანას მადლიერებასა და კეთილსურვილებს და მოსწავლე - ახალგაზრდობას ვუსურვებთ, თავიანთი სწავლითა და ქცევით შეიძინონ ისეთი უფროსი მეგობრები, როგორც გურამმა შეიძინა, რომ კიდევ უფრო გაძლიერდეს მათი ინტერესი, რათა გაიზარდონ კარგ ქართველებად, საამაყო მამულიშვილებად.



პაა შავიძე

პაა შავიძე

პროექტით „აბრეშუმი ხარაგაულდან“ ჩინური ჯომანია დაინტერესდა

სოფელ ლახუნდარაში მცხოვრებთა დევედარიანის ოჯახს ხარაგაულის მუნიციპალიტეტის გამგებლის მრჩეველი სოფლის მეურნეობის საკითხებში, მურმან არჯვეანიძე და კომპანიის „ჰუალინგი საქართველოში“ ვიცე-პრეზიდენტი სიუ იენ ლინი ესტუმრნენ. გია დევედარიანი და ამირან სამხარაძე თავიანთ ოჯახებთან ერთად პროექტში „აბრეშუმი ხარაგაულიდან“ არიან ჩართული. გასულ თვეში, პროექტის ფარგლებში მათ 40 გრამი აბრეშუმის გრენი გადაეცათ.

კომპანია „ჰუალინგი“ ჩინეთში სხვადასხვა კერძო ბიზნესებთან ერთად აბრეშუმის წარმოებასთან დაკავებულია. როგორც მურმან არჯვეანიძე ჩვენთან საუბარში აღნიშნავს, ისინი ქუთაისში აბრეშუმის საქსოვი ფაბრიკის აშენებით არიან დაინტერესებული. „ჰუალინგი“ ასევე აქტიურად თანამშრომლობს ბიზნესმენ ჯიმმერ ჩხაიძესთან, რომელიც ლენის წარმოებასთან ერთად მებრეშუმეობითა დაინტერესებული.

სიუ იენ ლინმა სურვილი გამოთქვა, ხარაგაულის ყოფილი „გამომწველების ქარხნის“ ტერიტორიაზე, სადაც ხარაგაულის აბრეშუმის კოოპერატივის გახსნა იგეგმება, „საპარტნიო-

რო ფონდის“ 49%—იანი ნილობრივი მონაწილეობით, შენობა გაარემონტონ. პირველ ეტაპზე ხარაგაულში წარმოებულ აბრეშუმის ძაფს ბიზნესმენი, ჯიმმერ ჩხაიძე, ჩაიბარებს.

დარეჯან სამხარაძე (გია დევედარიანის მეუღლე): „ივლისში 40 გრამი აბრეშუმის ჭის გრენი გადმოგვცეს. აბრეშუმის მოვლა საკმაოდ შრომატევადი საქმიანობაა, მაგრამ, ვფიქრობთ, ჩვენი იმედები გამართლდება და ხარაგაულში აბრეშუმის წარმოება განვითარდება.“

გია დევედარიანის ოჯახში აბრეშუმის წარმოება მოინახულეს ასევე ხარაგაულის საინფორმაციო-საკონსულტაციო სამსახურის უფროსმა, ბონდო კიკნაველიძემ და იმერეთის რეგიონული სამმართველოს უფროსმა, რუსუდანი ძიძიშვილმა.

ხარაგაულის სოფლის მეურნეობის საინფორმაციო-საკონსულტაციო სამსახურის უფროსი, ბონდო კიკნაველიძე, განმარტავს, რომ ამ საქმის წამოწყებაში დიდი წვლილი მიუძღვის მუნიციპალიტეტის გამგებელს, კობა ლურსმანაშვილს და გამგებლის მრჩეველს სოფლის მეურნეობის საკითხებში, მურმან არჯვეანიძეს.

„რაც შეეხება რუსუდანი ძიძიშვილს, იგი თავად დაინტერესდა საკითხით და, საჭიროების შემთხვევაში, ყოველგვარი დახმარება და შუამდგომლობა აღვეთქვას ზემდგომ ორგანოებთან. ვფიქრობ, საზოგადოებაში დაინტერესება კიდევ უფრო გაიზარდება, რაც ხელს შეუწყობს მოსახლეობის დასაქმებასა და ეკონომიკური მდგომარეობის გაუმჯობესებას.“ - განაცხადა ბონდო კიკნაველიძემ.

მანანა ბაბლიძე
მთავარი სპეციალისტი
საზოგადოებასთან
ურთიერთობის საკითხებში



ხარაგაულში მალაშვილის დასახლებაში მუდმივად მცხოვრები პირის სტატუსი ინაშრილან დღევანდელ 265 პიროვნებას მიენიჭა

8 აგვისტოს ხარაგაულის მუნიციპალიტეტის გამგეობაში მალაშვილის დასახლებაში მცხოვრებთა სტატუსის მართვის საბჭოს მორიგი სხდომა ჩატარდა.

საბჭომ განიხილა ხარაგაულის მუნიციპალიტეტის სოფელ ნუნისში, ფონასა და გოლათუბანში მცხოვრები მოქალაქეების ინდივიდუალური განცხადება - მალაშვილის დასახლებაში მუდმივად მცხოვრები პირის სტატუსის მინიჭების თაობაზე. აღნიშნულ განცხადებებს საბჭოს გადაწყვეტილებით დადებითი რეკომენდაცია გაენიჭა.

2016 წლის პირველი იანვრიდან დღემდე, ინდივიდუალური განაცხადის საფუძველზე, მალაშვილის დასახლებაში მუდმივად მცხოვრები პირის სტატუსი 265 პიროვნებას უკვე მიენიჭა, ხოლო ივლისის თვის საბჭოს სხდომის გადაწყვეტილებით მალაშვილიანთა მცხოვრების სტატუსის მინიჭებისთვის რეკომენდაცია დამატებით 36 მოქალაქეს გაენიჭა. (იანვრიდან დღემდე სულ 328 მოქალაქეს გაენიჭა საბჭოს მიერ დადებითი რეკომენდაცია).

მალაშვილიან დასახლებაში მცხოვრების სტატუსი მიენიჭათ წინაშე მცხოვრებ: ლალი სულაქველიძეს, შალვა ბანცაძეს, ნიკოლოზ ლამბაძისძეს, ნელი კაპანაძეს, ჯამბულ ჩიტაძეს, მარიამ ბარბაქაძეს, გელა ნადირაშვილს, ბელა ჯანიაშვილს, მარინე ტაგანაშვილს, გურამ ტაგანაშვილს, ლამა ტაგანაშვილს, მამუკა ტაგანაშვილს, ვაჟა ქურდაძეს, თინა ნოზაძეს, დავით ქურდაძეს, რუსიკო ტაგანაშვილს, ტრისტან ხაჩიძეს, გუგულა ბანცაძეს, ზაზა ლომსაძეს, მერაბ გაჩეჩილაძეს, ნაზი ბანცაძეს, ნონა კომლაძეს, ფიქრია ბანცაძეს, შოთა ბანცაძეს, ლევან გაჩეჩილაძეს.

გოლათუბანში მცხოვრებ: ელენე თორღვაშვილს, მერაბ ტაგანაშვილს, ლილა ტაგანაშვილს, გიორგი ღონდაძეს, გელა ღონდაძეს.

გუდათუბანში მცხოვრებ: სულხან გუდაძეს, ქეთევან გუდაძეს, ამალია გუდაძეს, შამილ გუდაძეს, მარინა ბანცაძეს, ყუყუნა გუდაძეს.

სკოლაში სასწავლო პროცესები 15 საქმეგარს განახლდა

2016-2017 სასწავლო წელს საჯარო სკოლებში სწავლა 15 საქმეგარს დაიწყო. წელს ხარაგაულის საჯარო სკოლებში 191 პირველკლასელს მიიღეს. აღსანიშნავია, რომ საჯარო სკოლის ყველა მოსწავლე საჩუქრად სახელმძღვანელოებს მიიღეს, ხოლო პირველკლასელებს, ტრადიციისამებრ, გადაეცემთ პორტატული კომპიუტერები.

ერთიანი ეროვნული გამოცდაების პირველი ეტაპი ჩატარდა ხარაგაულში

აბიტურიენტებისთვის 2016 წლის ერთიანი ეროვნული გამოცდების პირველი ეტაპი მუდმივად ჩატარდა. ხარაგაულში ეტაპი ჩატარდა 15 აგვისტოს, რომელიც ერთიანი ეროვნული გამოცდების ეტაპის დასრულებადა. აბიტურიენტებს საკუთარი ქულის გაგება მოკლე ტექსტური შეტყობინებითაც შეეძლოთ. როგორც გამოცდების ეროვნული ცენტრის დირექტორი, მაია მიმინოშვილი, აცხადებს, 2016 წლის ეროვნულ გამოცდაზე, ზოგად უნარებში ბარიერი აბიტურიენტების 16%-მა ვერ გადალახა.

ჩარიცხული აბიტურიენტების სია გამოცდების ეროვნული ცენტრის ოფიციალურ ვებ-გვერდზე აგვისტოს ბოლოს გახდება ცნობილი.

სოფელ ზვარეში ხარაგაული - ზესტაფონის სარკინიგზო მაგისტრალის გვირაბზე მომუშავე პირები გაიფიცნენ



სოფელ ზვარეში ხარაგაული - ზესტაფონის სარკინიგზო მაგისტრალის გვირაბზე მომუშავე პირები გაიფიცნენ. ასამდე მუშამ გაუსაძლისი სამუშაო პირობების, უსაფრთხოების ნორმების დარღვევისა და მოძველებული ტექნიკით მუშაობა გააპროტესტა. გაფიცულები ჩინურ კომპანიის სამუშაო პირობების დარღვევაში ადანაშაულებენ. მათივე განცხადებით, სამსახურიდან დაქირავებული მუშების უსამართლო დათხოვნას ხშირად აქვს ადგილი. დაქირავებული პერსონალის განმარტებით, მათ არ აქვთ უნიფორმა და სხვა დამცავი საშუალებები. ვერ სარგებლობენ სასმელი წყლით, არ არის სისუფთავე და არ მოქმედებს სამედიცინო პუნქტი, რომელიც სამუშაო ბაზაზე მდებარეობს, ბოქლომითაა ჩაკეტილი.

გელა ჩიტიაშვილი, რომელიც გვირაბის მშენებლობაზე თვეწახევარია მძლოლად მუშაობს, აცხადებს, რომ გაუსაძლისი პირობებში უწევთ მუშაობა.

„ა ფ ე თ ქ ე ბ ე ბ ი ს დროს ისეთი მტკვრი დგება, შეუძლებელია, რაიმე დაინახო, არადა აფეთქებიდან ორ წუთში გვიშვებენ გვირაბში სამუშაოდ. ამან, შესაძლოა, საეკოლოგიური მდგომარეობამდე მიგვიყვანოს. ასევე გვიწევს გაუმართავი ავტომობილებით მოძრაობა. თუ ავტომობილი დაზიანდა, ამაზე ჯარიმას მძლოელს ახდენენ.“

ბატონი გელა შრომით ხელშეკრულებაზეც გვესაუბრა და აღნიშნა, რომ არც ერთი თანამშრომლისთვის არაა ცნობილი ხელშეკრულების არსი, რის საფუძველზე დავსაქმდით და რა უფლებები გვაქვს. გაფიცულების განმარტებით, შრომითი ხელშეკრულება იმდენად ვერცელი იყო, თანაც დიდი ნაწილი ჩინურ ენაზე, რომ მისი თარგმანის და ნაკითხვის დრო ნამდვილად არ იყო.

მუშებს შრომის, ჯანმრთელობისა და სოციალური დაცვის მინისტრის წარმომადგენელი (მედიატორი), ლევან ჟორჟოლიანი, შრომის პირობების ინსპექტორების დეპარტამენტის ინსპექტორი, ირაკლი იობიძე, საქართველოს რკინიგზის პროფკავშირების ხელმძღვანელი ვიტალი გიორგაძე, ხარაგაულის მუნიციპალიტეტის გამგებლის მოადგილე დავით დევედარიანი, საკრებულოს საინჟინერო-საბიუჯეტო კომისიის თავმჯდომარე, ვარლამ ჭიპაშვილი, და ადგილობრივი ხელისუფლების სხვა წარმომადგენლები შეხვედნენ.

შრომის ინსპექტორი, ირაკლი იობიძე, არსებულ პრობლემებს ადგილზე გაეცნო. როგორც მან აღნიშნა შრომის ინსპექციის

დეპარტამენტის (ცხელ ბაზზე დაფიქსირდა ზარი, რომ ადგილი ჰქონდა შრომით ექსპლუატაციას. იობიძის განმარტებით, ინსპექციამ შრომის უფლებების დარღვევის შესახებ წერილიცაა შემოსული. გვირაბის მშენებლობაზე დასაქმებული მუშების უფლებების დასაცავად ისინი ზვარეში მინისტრის ბრძანებით ჩაივლინეს და დეტალურად შეისწავლეს ყველა პრობლემა, რომელიც გაფიცულ მუშათა მხრიდან იყო წამოყენებული.

გაფიცულებსა და დამსაქმებელ ჩინურ კომპანიას შორის მოლაპარაკებების პროცესში ჩართულია ადგილობრივი თვითმმართველობა. გამგებლის მოადგილის, დავით დევედარიანის, თქმით, გამგეობა დაუკავშირდა კომპანიის წარმომადგენლებს, ასევე მოლაპარაკებები ანარმობა დაზარალებულ პირებთან.

საპროტესტო აქციის დაწყებიდან საქმის ვითარებას არკვევს შრომის, ჯანმრთელობისა და სოციალური დაცვის მინისტრის წარმომადგენელი (მედიატორი), ლევან ჟორჟოლიანი. მისივე ინფორმაციით, დაქირავებული პერსონალი 21 დღის განმავლობაში დაუბრუნდა სამუშაო პროცესს. „თუ 21 დღის ვადაში არ მოხდება მათი მოთხოვნების გათვალისწინება, ამ შემთხვევაში დასაქმებულები გადავლენ კანონიერად გაფიცვის ფაზაში. ვფიქრობ, აღნიშნულ დროში შევძლებთ პრობლემის მოგვარებას, რადგან ჩინური კომპანიის წარმომადგენ-



ლები მზად არიან, მოლაპარაკებების პროცესში ჩაერთონ. ხელმძღვანელმა პირებმა აღნიშნეს, რომ ისინი მუშების მოთხოვნებს ეტაპობრივად გაითვალისწინებენ. რადგან ჩინურ კომპანიას საქართველოს რკინიგზის მიმართ აქვს თავისი ვალდებულებები და მათი საქმიანობა დროშია გაწერილი, ამიტომ მათთვის მიუღებელია მსგავსი საპროტესტო აქციები. რადგან ეს მათ მუშაობას აფერხებს.“ - განაცხადა ჟორჟოლიანმა.

ჩვენთან საუბრისას ბატონმა ლევანმა 17 აგვისტოს ჩანიშნული შეხვედრა დააანონსა. შეხვედრა ხარაგაულის მუნიციპალიტეტში ჩინური კომპანიის ხელმძღვანელ პირებთან, ხარაგაული - ზესტაფონის სარკინიგზო გვირაბის ზვარეში მონაკვეთზე მომუშავე პირებთან და იურისტებთან შედგება. მოლაპარაკება იქნება კანონმდებლობის და გადაწყვეტილება ორივე მხარის ურთიერთშეთანხმების საფუძველზე მიიღება.

სარკინიგზო გვირაბზე მომუშავე პირების განმარტებით, ეს მხოლოდ გამაფრთხილებელი აქციაა. მოთხოვნების შეუსრულებლობის შემთხვევაში კი მუშები პროტესტის ახალი ტალღის დაწყებას არ გამოირიცხავენ.

თამარ მაღრაძე